

Na osnovu člana 70. stav 1. tačka 16. Statuta Općine Vogošća ("Službene novine Kantona Sarajevo", broj: 27/14 – Prečišćeni tekst, 14/15 i 9/20) i člana 103. Poslovnika Općinskog vijeća Vogošća ("Službene novine Kantona Sarajevo", broj: 27/14 - Prečišćeni tekst, 18/15, 45/15, 10/16, 51/18 i 28/20) Općinsko vijeće Vogošća na vanrednoj sjednici održanoj 13.05.2024. godine, donijelo je

## ZAKLJUČAK

1. Prima se k znanju Informacija Općinskog načelnika o stanju na lokalitetu kasarna „Enver Šehović“ Semizovac broj: 02-04-949/24 od 13.05.2024. godine.
2. Općinsko Vijeće Vogošća daje punu podršku Općinskom načelniku po pitanju do sada poduzetih radnji kao i svih daljnjih koraka na nastavku realizacije projekata na lokalitetu kasarne „Enver Šehović“ Semizovac, a u skladu sa Regulacionim planom „Privredna zona Semizovac“.
3. Općinsko vijeće Vogošća ne podržava bilo kakve aktivnosti na lokalitetu kasarne „Enver Šehović“ koje su u suprotnosti sa donesenom i važećom provedbenom i prostorno planskom dokumentacijom, te insistira od nadležnih institucija da u skladu sa svojim nadležnostima i ovlaštenjima poduzmu potrebne radnje radi dodjele navedene lokacije Općini Vogošća na trajno raspolaganje.
4. Zadužuje se Općinski načelnik i Predsjedavajući Općinskog vijeća da u koordinaciji sa nadležnim općinskim službama u što kraćem roku o navedenoj situaciji obavijeste nadležne institucije na svim nivoima vlasti u Bosni i Hercegovini i to:
  - Predsjedništvo Bosne i Hercegovine
  - Vijeće ministara Bosne i Hercegovine
  - Vladu Federacije Bosne i Hercegovine
  - Parlament Federacije Bosne i Hercegovine
  - Vladu Kantona Sarajevo
  - Skupštinu Kantona Sarajevo.
5. Ovaj Zaključak stupa na snagu osmog dana od dana objavljivanja u „Službenim novinama Kantona Sarajevo“.

Broj: 01-04-949/24  
Vogošća, 13.05.2024. godine

